



Tietoa vaaleista  
**vaalit.fi**

## **Riikkabeiválggat 2019**

Riikkabeiválggaid ordnejit juohke njealját jagi.  
Válggain Suoma riikkavuložat  
válljejit riikkabeivviide 200 áirasa  
mearridit min oktasaš áššiid ala.

Jagi 2019 riikkabeiválggat leat  
sotnabeaivve 14.4.2019.  
ovddalgihtii sáhttá jienastit Suomas 3.-9.4.2019  
ja olgoriikkain 3.-6.4.2019

### **Riikkabeivviid barggut**

Riikkabeivviid dehálamos bargu lea ásahit lágaid,  
maid mielde servvodat doaibmá.

Nubbi dehálaš bargu lea  
mearridit stáhta bušeahttaárvalusas.  
Bušeahttaárvalusas meroštallet,  
gos stáhta fidne ruđaid ja masa daid galgá geavahit.  
Riikkabeivvit maid gozihit stáhta ruhtageavaheami.  
Riikkabeivvit válljejit  
riikka ráđđehussii oaiveministara  
ja gozihit ráđđehusa doaimmaid.  
Dasa lassin riikkabeivvit mearridit,  
maid stáhta oaivvilda  
mágggain Eurohpa uniovna áššiin.

## **Gii oažžu jienastit?**

Don sáhtát jienastit riikkabeaiválggain, juos

- don leat Suoma riikkavuloš; ja
- don leat deavdán 18 jagi manjimustá 14.4.2019.

## **Jienastanvuoigatvuohta bohtá dutnje ruktui**

Jus dus lea vuoigatvuohta jienastit,

don oaččut dan birra reivve.

Reivves lea jietnavuoigatvuođaalmmuhus,  
mas lea diehtu du válgabeaivvi jienastanbáikkis.

Mielde čuovvu maddái listu sajiin, gos sáhtá jienastit ovddalgihtii.

## **Gean don sáhtát jienastit?**

Suopma lea juhkkovuvvon 13 válgabiirii.

Juohke válgabires leat iežaset evttohasat.

Don sáhtát jienastit olbmo,

guhte lea evttohassan riikkabeaiválggain

du iežat válgabires.

Du iežat válgabiire álmuhuvvo seammá reivves go jietnavuoigatvuohta.

Juohke evttohasas lea iežas evttohasnummir.

Du iežat válgabire evttohasaid nummiriid

gávnnat earret eará jienastanbáikkiin.

Dieđuid evttohasaid birra fidnet ovdamearkka dihte aviissain,

televišuvnnas ja internehtas.

## **Ruovttus jienasteapmi**

Jus don leat váddásit lámis

dahje guhkit áigge buohcci,

don sáhtát jienastit ovddalgihtii iežat ruovttus.

Don fertet álmuhit iežat ruovttus jienasteapmái

manjimustá 2.4.2019 diibmu 16

iežat gieldda guovddášválgalávdegoddái.

Lávdegotti telefonnummir lea mielde jietnavuoigatvuođaalmmuhusas.

Don fidnet lávdegottis maid

lassedieđuid ruovttus jienasteami birra.

## **Ná sáhtát jienastit ovddalgihtii**

Don sáhtát riikkabeaiválggain jienastit ovddalgihtii man beare sajis mii lea álmuhuvvon ovddalgihtii jienastanbáikin Suomas dahje olgoriikkain.

Váldde jienasteapmái mielde identifikašuvnna, ovdamearkka dihte pássa, persovdnakoartta dahje vuodjinkoartta.

1. Čájjet identifikašuvnna válgavirgeolbmui.  
Virgeolmmoš dárkkista dan ja addá dutnje jienastanlihpu.
2. Mana jienastančihkii.  
Čále jienastanlihppui čielgasit dan evttohasa nummira, gean don jienastat.  
Ále čále jienastanlihppui maidige eará.
3. Máhcu jienastanlihpu gasku.
4. Máhca válgavirgeolbmo lusa.  
Son steampalastá du jienastanlihpu ja addá dutnje ruškes válgakonvoluhta.  
Bija jienastanlihpu konvoluhttii ja liibme konvoluhta gitta.
5. Válgavirgeolmmoš bivdá du vuolláičállit skovi.  
Vuolláičállosiin don nannet, ahte don leat ieš deavdán jienastanlihpu, fidnen dasa steampala ja gidden dan konvoluhttii.
6. Loahpas virgeolmmoš gidde válgakonvoluhta ja skovi fiskes mieldduskonvoluhttii.

Go leat jienastan, sáhtát dál vuolgit jienastanbáikkis.

## **Ná jienastat válgabeaivve**

Válgabeaivve 14.4.2019 jienastanbáikkis leat rábas diibmu 9-20. Dárkkis iežat jietnavuoigatvuodáalmmuhusas, gos du jienastanbáiki lea.

Don sáhtát jienastit dušše dan jienastanbáikkis,  
mii lohká du jietnavuoigatvuodaalmmuhusas.

Váldde jienasteapmái mielde identifikašuvnna,  
ovdamearkka dihte pássa, persovdnakoartta dahje vuodjinkoartta.

1. Čájjet identifikašuvnna válgavirgeolbmui.  
Virgeolmmoš dárkkista dan  
ja addá dutnje jienastanlihpu.
2. Mana jienastančihkii.  
Čále jienastanlihppui čielgasit  
dan evttohasa nummira, gean don jienastat.  
Ále čále jienastanlihppui maidige eará.
3. Máhcu jienastanlihpu gasku.
4. Máhca válgavirgeolbmo lusa.  
Son steampalastá jienastanlihpu.
5. Gahčat iežat lihpu válgagiisái.

Go leat jienastan, sáhtát dál vuolgit jienastanbáikkis.

### **Geas oaččun veahki?**

Válgavirgeolbmot rávvejit du jienastanbáikkis  
ovddalgihtii jienasteamis ja válgabeaivve.

Jienastanbáikkis lea maddái válgaveahkkebargi.

Don sáhtát bivdit su mielde jienastančihkii,  
jus it ieš sáhte deavdit jienastanlihpu.

Válgaveahkkin sáhtta doaimmat maid olmmoš,  
gean don leat ieš válljen,  
ovdamearkka dihte oapmahaš dahje lagaš olmmoš.  
Válgaveahkki ii goittotge oaččo leat  
evttohas dahje evttohasa lagaš olmmoš.  
Válgaveahkki ii oaččo muitalit geasage,  
gean don jienastit.

## **Válgasuollemasvuolta**

Juohkehaš mearrida ieš,  
háliidago son jienastit ja gean son jienasta.

Válgasuollemasvuolta mearkkaša dan,  
ahte don it dárbbaš muitalit geasage,  
gean don jienastat.

Jienas riikkabeaiválggain!

Dán brošyras muitalit čielga gillii jienasteami ja jagi 2019 riikkabeaiválggaid birra.

Lassedieđut jienasteamis:

[vaalit.fi](http://vaalit.fi)

[selkokeskus.fi](http://selkokeskus.fi)

Riekteministeriija

Selkokeskus